

Leonardo Figaroa no ta descarta su participacion den proximo eleccion cu otro partido



Pagina 3

Oficialnan municipal luchando cu hende cu ta parti di movemento soberano na Hulanda



Pagina 8

Kiwanis Club of Palm Beach a entrega child car seat enfoca riba seguridad den trafico

Pagina 5



- CBS: Den ultimo 12 luna, 11 di 12 sector a registra aumento di prijs

Pagina 4

- Giovanni Trim ta dreinta politica tumando over partido UPP

Pagina 2

- Nacionnan internacional ta lansa iniciativa nobo pa un estado Palestino independiente

Pagina 23

Venezuela: Maduro ta expresa solidaridad na grupo terorista Hezbollah



Pagina 11

Mexico: Por lo menos 118 morto registra na Sinaloa den 'guera' entre gruponan criminal



Pagina 10

Giovanni Trim a dicidi di drenta politica tumando over partido UPP

Giovanni Trim, un ciudadano conoci y preocupa pa situacion di e pais, cu a cuminsa graba videoan informativo for di algun luna pasa, diabierna ultimo a anuncia cu el a tuma over partido UPP (Union Patriotico Progresista), cual awor a bira "Union y Prosperidad pa Pueblo".

Den un presentacion hopi intimo cu a tuma luga diabierna ultimo cu famia y amigonan, Trim a trece dilanti cu despues cu gabinete Wever-Croes a entrega su retiro dia 9 di september, e partido cu originalmente su persona tabatin pa lansa no por a culmina su proceso pa por participa den eleccion aki pa dia 6 di december.

El a sigura cu despues cu el a traha su videoan treciendo su preocupacion dilanti pa loke ta sucediendo cu e parti politico y social, "Aruba a drenta den un etapa nobo," algo cu nunca a experiencia, "unda politiconan a cuminsa duna placa bao mesa, regala cosnan cu ta di nos, mientras cu nos ta sigui bay atras."

Pa esaki, el a dicidi di tuma over partido UPP, unda el a gradici Candelario (Booshi) Wever y Raymond Hernandez, kendenan a ofrece e partido aki mirando cu nan no ta bay participa mas den eleccion, segun loke Trim a sigura.

"Nos a bin awe determina pasobra nos kier pa Aruba sali for dje bomboshi, pa ultimo 30 aña Aruba ta solamente den bomboshi. Corpcion, soborno, hortamento di placa pa regala patrimonio di pueblo, problema cu Lotto. Unda cu bo wak Aruba tin prob-



lema y e hendenan, nos ciudadanonan na Aruba a fada," el a bisa.

Segun su opinion, ciudadanonan a fada cu no kier ni tende mas noticia y cu unico cos cu e kier wak awor "ta pa nos sali for di bomboshi," cual ta e slogan cu el a scoge pa su campana y asina ey drenta den un Aruba "completamente nobo, yena cu

oportunidad pa tur hende." UPP ta keda cu e mesun sungan, pero cu otro significado. Segun el a menciona nan tin hopi proyecto "nos tin programa politico hopi avansa, pero den transcurso di siman aki boso lo wak nos programa cu ta bay ta hopi visual, videoan cu bosonan ta bay wak exactamente kico nos ta bay haci den e cuatro aña cu ta bin y con nos ta bay

haci pa logra saca Aruba for di tur e situacion aki."

Union y Prosperidad pa Pueblo segun Trim su perspectivan ta cu "Aruba ta cansa di e politiconan, di e partidonan tradicional. P'esey mi ta kere cu e aña aki, dia 6 di december Aruba ta bay marca historia unda pa prome bisha e partidonan tradicional ta bay ta afo y e partidonan



nobo ta esun cu ta bay briya y trece cambionan positivo pa Aruba, esey ta nos perspectivan y esey tambe ta loke ta bay pasa."

Pa loke ta trata otro candidatonan den su lista, Trim a bisa cu nan tin nan personan scogi caba pero nan tur a palabra cu door cu nan tabatin hopi obstaculo pa loke ta trata caida di gobierno y nan mester a haci hopi cos pa haci e presentacion aki posibel, e siman aki nan lo enfoca riba e candidatonan cu lo subi riba e lista.

"Mi tin full un team na mi tras, nos tin un comite cu ta reuni un bisha pa siman, unda den reunion aki nos ta determina kico ta nos siguiente paso, na ken nos ta acerca, kico nos ta busca pa nos tin un bon partido di calidad," el a comenta.

Pa loke ta trata e votadonan cu ainda no ta dicidi pa ken lo vota, Trim a señala cu "pa esun cu ainda ta duda, mi ta bisa bo un cos, ban sali for dje bomboshi. Aruba ta cansa di tur loke a sucede den ultimo 30 aña, ban percura pa nos pueblo ta un pueblo feliz unda nos tur tin e oportunidad pa biba e bida di nos soño y pa bo por biba e bida di bo soño, nos tin cu sali for di esaki."

Segun Trim den eleccion aki e partido UPP ta bay marca un diferencia y Aruba ta bay ta full un otro pais "mescos cu a pasa na El Salvador, Spaña, Francia of Hulanda, partidonan nobo cu a bin de la nada lo trece cambionan positivo," el a menciona.

Pa finalisa, el a cuestiona loke a sucede siman pasa cu SSA caminda a cuminsa un investigacion penal segun autoridadnan mes a señala pa loke ta trata irregularidad di maneho di fondonan publico unda deportistanan cu mester haya fondo ta para bao solo pa pidi ayudo y por bay representa Aruba den exterior.

"Esaki ta e tipo di gobernacion cu nos tin den e ultimo añanan, parlamento a bira un caos cu gañamento y tapamento, mal servicio den departamentonan di gobierno y aworaki nos a yega na un punto cu nos no sa mas pa ken nos tin cu vota. Partidonan AVP y MEP a hinca nos den e bomboshi," el a finalisa.

Leonardo Figaroa no ta descarta su participacion den proximo eleccion cu otro partido

Leonardo Figaroa ken ta un lider hoben den politica y cu dianan pasa a gradua como Bachelors den Ley na Universidad di Aruba, recientemente a tene un entrevista cu Bon Dia Aruba, mirando cu eleccion ta dia 6 di decembre y asina trece dilanti si e ta bay continua den e caminda di eleccion of lo prefera di warda un poco mas.

Manera ta conoci, Figaroa na año 2021 tabata candidato riba lista di partido Accion21 di e cual el a dicidi di distancia su mes y asina ey a cuminsa forma su partido yama Partido Direccion Politiea (PDP) sinembargo, dia 9 di september Gabinete Wever-Croes II a dicidi di entrega su retiro lo cual a bira un reto pa Figaroa, como por exemplo, e hecho cu candidatonan cu tabatin na e momento ey riba lista a dicidi di no continua den e caminda di eleccion aki, pa motibo cu nan no ta sinti nan mes bon prepara debi na e corto tempo pa haci campaña.

“Pa ta hopi honesto e aspecto di preparacion tabata biniendo den agenda, pa prepara e candidatonan pa siña kico ta nos leynan constitucional, kico ta e base huridico cu tur hende mester sa vooral ora di drenta politica, esey tabata e prome motibo,” el a bisa.

Di dos punto cu a trece dilanti ta cu for di su punto di bista personal, ora el a papia cu hopi hende pa busca conseho “huridicamente lo por participa den eleccion aki cu mi mesun partido, pero e realidad ta cu mi tin cu pensa no riba mi mes, sino riba un pueblo. E ora ey e mensahe di bay mi so riba un lista, mi ta sinti cu algun prensa lo bay cuestiona mas e hecho cu mi ta bay mi so cu nan lo kisas lo worry di berdad kico ta e ideanan cu mi tin. Esey ta un di e preocupacion cu mi tambe tabatin pasobra mi a experienci'e den e campana den 2021 ora na hopi caminda hende tabata puntra mi riba mi edad.”

Ademas, el a conta cu na momento cu gobierno a cay, su tata a bira malo unda esey a afecta Figaroa hopi mes “mi



tata ta mi weso di lomba” unda e mester a bay reflexiona si e ta continua cu su partido na e momentonan aki of no, “hasta na varios ocasion mi a acerca otro politico for di algun luna pasa pa por a yega na un tipo di lista combina, pa por tin un aliansa pero lo cual mi ta siñando como politico cu ta papia algo pafo di ta unidad, na final bo ta wak cu nan kier ta e number un. No tin espacio pa bisa laga nos bay negocia, pa wak nos por cera un aliansa y pa mi ta hopi honesto cu bo, mi no ta bay uni na otro partido si no tin un garantia pa mi,” el a sigura.

Figaroa a declara cu loke el a experiencia na Accion21 den ultimo eleccion ta cu “a mi nunca a papia riba dje, pero e tabata un impacto hopi grandi y e tabata e motibo di pakico mi a funda un partido, pasobra na final di dia bo no kier wordo usa y despues tur e trabou duro cu bo a hinca, ta wordo manera menosprecia. Politica ta hopi bunita di pafo cu su marketing, pero di paden, den e organizacion bo ta wak cu tur ora e cosnan no ta cana manera mester ta. Esey tabata un drempel pa mi y mi a haya hopi oferta den ultimo dos siman aki.”

Pero den su pensamento e ta sigura cu ”mi no ta bay ataca ni un hende pa algo cu a pasa den pasado pa mi sinti bon” esey tabata e motibo dicon el a bandona e partido ey cu un carta y no a duna mas detaye

di kico a sucede na e momento ey.

“Mi preocupacion mas grande e tempo ey tabata mi votacionan, pasobra mi a sinti cu mi a laga nan na caya, mi a campana bisando nan cu esaki tabata un partido nobo y tabata un alternativa anto despues faltando un siman di eleccion bo ta wak cu Daphne y a mi a sali pasobra tabatin hopi cos cu a pasa cu hende no sa, bo a falta nos respet pa tur lo cual nos a haci.”

P'eseys el a dicidi di funda partido cu no ta solamente un partido pa bay eleccion manera Figaroa ta sigura, pa motibo cu nan vision como organision politico ta cu nan tin metanan of statuutnan cu lamentablemente door di tempo y retonan di hende cu tabata yuda e partido cu mester a bandona directiva, e no a haya e oportunidad di por a duna por exemplo, curso pa eleva e consciencia di Aruba na ora di yega na un urna electoral.

Tambe, el a splica cu awor e ta hasta a bin hayando oferta di hendenan cu kier tuma su partido over, hendenan cu kier a compra su partido, hendenan cu a puntr'e pa uni na nan lista, hendenan cu a puntr'e si kier haci un lista combina, “pero den e caso aki pa crea un lista combina cu e partido aki, mi no tabata sinti mi mes hopi confortabel pa algo cu a pasa den pasado pa entretene e idea ey di por

haci'e cu e partido ey.”

Pero te ainda, e no a yega na palabraciionnan concreto pa por uni na un di e partidonan cu a ofrece un oferta pe “pasobra ta algo importante pa mi por sa si mi ta bay sostene bo riba un lista, ki tipo di lider bo ta, esey mi a siña cu Accion21 y di dos punto e contenido, pasobra pueblo sa cu mi tin 18 luna ta profila y a formula ya caba un framework di kico como politico a mi ta kere y kico mi kier haci pa Aruba,” el a expresa.

Te awor, Figaroa ta sinti cu no tin un alternativa pero e no ta descarta e idea pa motibo cu tabatin algun intento y e no a haya un contesta “kiermen mi ta wardando wak si lo mi haya un respuesta si of no, pa prome cu 18 di october dicidi si nan lo bisa mi cu nan kier wak mi riba nan lista y cu mi ta sinti mi tambe respeta. Pasobra mi no ta djis un politico hoben manera tur hende ta pinta mi, mi ta un adulto di 23 aña pero mi tambe tin mi ideanan, mi vision y awor cu mi ta hurista, mi tin mi elementonan di conocemento cu mi ta bay trece den e organision politico si mi lo drenta eynan, mi ta kere esey lo wordo balora.”

Riba e pregunta con factibel su participacion pa eleccion aki ta riba un otro lista, el a sigura cu “80% factibel pero e mester ta riba un lista correcto.”



Aumento mas grandi den Vivienda, Transporte y Cuminda, entre otro

CBS: Den ultimo 12 luna, 11 di 12 sector a regista aumento di prijs

CBS recientemente a publica informacion di e CPI pa e periodo Augustus 2023 – Augustus 2024.



Indice di Prijs di Consumo

Den e ultimo diesdos (12) luna, e CPI a subi cu 2.9%, unda diesun (11) di e diesdos (12) sector a regista aumento di prijs. E aumentonan cu tabatin e mayor efecto riba e CPI a wordo regista pa e sectornan di "Vivienda" (3.0%), "Comunicacion" (6.3%), "Restante bienes y servicio" (3.4%), "Transporte" (2.5%), "Cuminda y bebita no-alcoholico" (2.7%) y "Mobilario" (3.1%) causando un efecto di respectivamente, 0.77, 0.52, 0.40, 0.33, 0.32 y 0.28 ppt. E aumentonan den e restante sectornan a contribui

cu un efecto di 0.35 ppt riba e CPI di Augustus 2023 - Augustus 2024.

E aumentonan aki a wordo contraressta parcialmente door di un caida den e indice di e sector di "Recreacion y cultura" (-1.0%), cu a contribui cu un efecto di -0.09 ppt.

E aumento den e sector di "Vivienda" a wordo causa principalmente door di un aumento di 12.7% den e categoria "Mantencion y reparacion di vivienda", causando un efecto di 0.67 ppt. E aumento den e sector di "Comunicacion" a wordo causa principalmente door di un aumento di 6.1% den e categoria "Servicio di telefon y fax", causando un efecto di 0.49 ppt.



E aumento den e sector di "Restante bienes y servicio" a wordo causa principalmente door di un aumento den e categoria "Otro articulan personal" (25.7%), causando un efecto di 0.26 ppt. E aumento den e sector di "Transporte" a wordo causa door di un aumento den e categoria "Compra di vehiculo" (13.0%), causando un efecto di 0.53 ppt. E aumento den e sector di "Cuminda y bebita no-alcoholico" a wordo causa principalmente door di un aumento den e categoria "Cuminda" (2.5%), causando un efecto di 0.25 ppt. E aumento den e sector di "Mobilario" a wordo causa principalmente door di un aumento den e categoria "Bienes y servicio pa mantencion ordinario di cas" (4.1%), causando un efecto di 0.18 ppt.

y bebita no-alcoholico" (Afl. 60) y "Vivienda" (Afl. 48).

Cambio di prijs di petroleo, utilidad, gasolin y diesel

E prijs promedio pa bari di petroleo a conoce un caida di US\$ 4.55 (-5.6%) di US\$ 81.34 na Augustus 2023 pa US\$ 76.79 na Augustus 2024. E indice di Energia a baha cu 1.3% den e ultimo año y a causa un efecto di -0.22 ppt. E indicenan di "Gasolin" (-4.2%) y "Diesel" (-2.2%) a regista caidan, causando un efecto di respectivamente -0.22 y -0.01 ppt riba e CPI. E indicenan di "Electricidad" y "Awa" no a regista cambio.

E restante 404 bienes y servicio hundo, a conoce un aumento di 3.8% y tabatin hundo un efecto di 3.10 ppt.

Cambio di prijs di Cuminda y servicio di catering

Den e ultimo diesdos (12) lunanan e indice di "Cuminda & servicio di catering" a subi cu 2.8%. E indice di "Cuminda na cas" a conoce un aumento di 2.7%, unda ocho (8) di e diesun (11) indicenan di e gruponan di "Cuminda na cas" a subi durante e periodo aki. E indice di "Fruta" a conoce un aumento di 7.4%, e aumento mas grandi entre e gruponan di "Cuminda na cas".

Ademas otro aumentonan significante a wordo regista den e indicenan di "Bebida noalcoholico" (4.6%), "Restante productonan pa alimentacion" (4.3%), "Sucu, jam y otro tipo di cos dushi" (3.6%), "Lechi, keshi y webo" (3.0%), "Pan y otro productonan di grano" (2.6%) y "Carni" (2.0%). E caida mas grande durante e periodo aki a wordo regista den e indice di "Batata, yuca y batata dushi" (-4.7%). E indice di "Cuminda pafo di cas" a regista un aumento di 3.1% den e ultimo diesdos (12) luna.

Bestaansminimum

Den e ultimo diesdos (12) lunanan e bestaansminimum pa un hogar consistiendo di dos (2) adulto y dos (2) mucha (edad 0-15 año) a regista un aumento di Afl. 150, di Afl. 5,364 na Augustus 2023 pa Afl. 5,514 na Augustus 2024. E aumento aki a wordo causa principalmente door di aumentonan den e sectornan di "Cuminda

Editor
Caribbean Speed Printers N.V.
Aruba Bank N.V. Acc.#332668
Caribbean Mercantile Bank N.V.
Acc.#23951903
RBC Royal Bank Acc.#13307728

Operations Manager

Mariette Engelhart

Redaccion
noticia@bondia.comPilar Flores (hefe di redaccion)
Angenette Figuereo (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Bentasulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

AfiliacionSociedad Interamericana
di Prensa (SIP)**DIRECCION**

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: [@bondianoticia](https://www.facebook.com/bondianoticia)
Instagram: [@bondiaaruba](https://www.instagram.com/bondiaaruba)

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Kiwanis Club of Palm Beach cu Wit Gele Kruis a entrega child car seat enfoca riba seguridad den trafico

Diasabra ultimo, Kiwanis Club of Palm Beach conhumentante cu Wit Gele Kruis a haci entrega di 17 child car seat den conexion cu un proyecto cu ya caba a cumpli 25 aña y cu ta percura pa seguridad di e muchanan den comunidad.

Onasito Thiel ken ta fungi como presidente di Kiwanis Club of Palm Beach a sigura cu casi tur aña nan ta bin entregando child seat na diferente famianan na Aruba, unda nan a entrega mas cu 200 den e ultimo 25 aña.

Esey tabata e caso diasabra ultimo caminda diferente familia selecciona pa Wit Gele Kruis a bin hundo pa haya un child seat.

“E ley na Aruba ta bisa cu ora bo tin un mucha te cu 12 aña e mester ta den un child seat p’esej Kiwanis semper ta pensa den seguridad den trafico y pa tene e muchanan sigur cu nos ta contribui cu e proyecto aki di child seat,” Thiel a expresa.

Di su parti, Monique Giel di Wit Gele Kruis a sigura cu efectivamente nan tin mas cu 25 aña ta traha hundo pa entregamiento di child car seat mirando cu nan ta den area preventivo y un di e parti cu nan ta haci hopi enfasis durante nan consultanan y tambe durante nan bishita na casnan nan ta pone enfasis riba seguridad, un di nan ta seguridad den trafico.

“Mirando cu nos tin hopi famianan cu debi na e situacion cu tin aworaki ta hopi duro, nos ta yuda nan pa yega na un chil seat vooral pa e seguridad di e yiu, p’esej tambe awe tardi hundo cu Kiwanis y nos ta gradici Kiwanis pa esaki, cu pa 25 aña ta entrega chil seat na famianan, nos ta gradici nan inmesamente pa e apoyo y sosten na e famianan,” Giel a declara.

Asina mes, el a bisa cu seguridad den trafico te ainda por mira cu mayornan ta stuur cu yiunan den brasa of por wak ainda cu muchanan ta sinta memey di e mayornan sin un chil seat “sin tene cuenta riba e consecuencianan cu esaki por trece cune na momento cu e auto break of un auto ta dal patras cu e mucha ta bay den e windshield.”

Gile a sigura cu nan a haya casonan asina caba y pa e motibo ey nan ta pone extra atencion riba esaki door di duna informacion durante consulta of durante nan bishitanan na cas haciendo enfasis riba e seguridad den trafico.

Por medio di consultatiebureau nan ta haya informacion di famianan rond Aruba cu na momento cu e mama haya yiu e ta bin na e consultatiebureau y eynan nan ta duna informacion y guia pa cuatro aña continuo “no ta solamente pa yiu haya e hangua sino tambe pa haya informacion cu nos ta haci esaki riba tereno preventivo pa preveni un consecuencia cu esaki por trece cune si no ta bay manera cu e mester ta,” el a bisa.

Nan ta keda papia cu mayornan y duna



informacion pa nan bira consciente na momento cu nan mira cu algo ta tuma luga, por ehemplo, nan ta yega na consultatiebureau y yiu ta den auto sin un child car seat, semper nan ta busca e motibo di pakico no tin un child car seat y asina tambe e enfermeronan di consultatiebureau sa con e familia nan situacion ta y nan ta traha lista y manda esey na Giel.

Giel ta manda e informacion aki na Kiwanis Club of Palm Beach pa cuminsa



organisa un atardi pa haci entrega di e chil car seat.

Pa finalisa, Onasito Thiel di Kiwanis Club of Palm Beach a enfatiza e importancia di e fundraising cu nan ta haci pa asina comunidad di Aruba por contribui cu nan “pa motibo cu door cu e placa cu nos ta genera den nos fundraising e proyectonan aki por realisa, nos tin hopi proyector durante e aña, manera esaki di child seat, esun di Back to School y Ride for Kids, ta comunidad di Aruba ta yuda nos pa nos por haci e proyectonan aki posibel y duna e placa back na comunidad,” el a sigura.

Kiwanis Club of Palm Beach ta un organision dedica na sirbi e muchanan di mundo y mehora calidad di bida. Kiwanis Club of Palm Beach ta realisa hopi proyector di servicio comunitario na Aruba pa yuda sirbi muchanan y otronan den necesidad.

Sea ta pasando e weekend limpiando un scol, drechando un cancha di basketball, ponendo un area di fitness nobo, tereno di wega of pintando Neptali Henriquez Park, nan miembronan di club ta enfoca riba duna back na e “One Happy Island” Nan ta dedica tambe incontabel oranan buscando maneranan nobo pa recauda fondo, conscientisa, of lanta speransa den tur loke nan ta sirbi.

Aruba Airport Authority N.V.:

Liderando e caminda durante “SDG Action Week 2024”

Orguyosamente Aruba Airport Authority N.V. (AAA) a organisa diferente actividad pa promove y contribui na e Siman di Accion Global di SDG 2024 di Nacionnan Uni (UN).

E tema di Sustainable Development Goals (SDGs) Action Week 2024 p'e año aki ta “Lead the Way/ Lidera e Caminda”, caminda liderazgo sostenibel pa progreso transformativo ta inclui hende, organizacion y compania. Durante e siman di 19 di september pa 25 di september 2024, Nacionnan Uni y demas partner mundial a aumenta e compromiso y accion rond mundo riba e 17 Metanan di Desaroyo Sostenibel.



AAA a prepara un programa pa SDG Action Week 2024 cu a enfoca riba fortalece su esfuersonan pa medio di colaboracion cu tanto partner local como internacional cu ta contribui na diferente

SDG. E siman a inicia cu un presentacion di Fundacion Contra Violencia Relacional (FCVR) riba Promociona Relacionnan Saludabel- combatiendo violencia domestico. E siguiente dia a consisti di dos training di introduc-



cion y conscientisacion di Sunflower Hidden Disabilities Program p'e personal di AAA y e comunidad di aeropuerto facilita pa Health and Wellness Coordinator di AAA den preparacion pa e lansamiento oficial cu lo tuma luga na luna di october.

Como parti di World Beach Cleanup Day, a organisa un limpresa rond di lama conhumente cu Tropical Bottling Company na Grapefield Beach, San Nicolas, cu a consisti di un total di 130 participante combina. Pa conclui cu SDG Action Week, riba dia 25 di september a tuma luga e hisamento di e bandera oficial di SDG den presencia di personal di AAA y comunidad di aeropuerto.

“AAA ta sigui promove SDG di Nacionnan Uni dentro di AAA y bou di e comunidad di aeropuerto y ta curasha participacion activo den e actividadnan cu ta contribui positivamente na e metanan global aki. Como cu e tema di e año aki tabata Lead the Way, nos ta kere firmemente cu door di organisa tipo di actividad y iniciativa aki y crea partnership, nos ta un organision exemplar tanto pa comunidad local como tambe pa esnan internacional y ta spera di por impacta positivamente y curasha e otronan pa haci mescos”, asina Christine Kaarsbaan-Leo, Sustainability & Health Manager di

Aeropuerto di Aruba a duna di conoce.

Tocante AUA Airport

AUA Airport ta un di e aeropuertonan mas ocupa den region Caribe, cu mas di 25 diferente aerolinea operando na Aruba contribuyendo na casi 3 miyon pasahero pa año y brindando servicio aereo na 31 pais y 45 destinacion non-stop rond mundo. Di e mercadonan cu AUA Airport ta brinda servicio na dje, 77% ta di Merca y Canada, 15% ta di Latino America, 4% ta di Europa y 4% ta di Caribe Hulandes. AUA Airport ta reconoce cu esaki ta danki na un economia stabiel, clima politico, hospitalidad, populacion diversifica y seguridad general di nos isla. AUA Airport su aspiracion ta pa converti den un di e aeropuertonan mas sostenibel, sigur y prepara pa futuro den e region di Latino America y Caribe, brindando un espacio laboral confiabel, cu e instalacionnan moderno y ademas cu un excelente servicio n'e cliente p'asina por refleha e hospitalidad di Aruba, contribuyendo na un futuro prospero pa Aruba.

Haya sa mas di loke ta passando na AUA Airport door di bishita www.airportaruba.com y conecta cu AUA Airport riba Twitter.com/Arua_Airport, Facebook.com/ArubaAirport, Instagram.com/arubaairport.

MULTI-X

MULTI-X


FP x2 x3 x5

Lotto
Cambiando vida.

www.lottoaruba.com



Trafico Sigur: Sea un Peaton responsabel



Comision Trafico Sigur ta informa e comunidad riba varios topico nan importante di trafico na Aruba. Sra. Liliana Rasmijn Vocero Interino di Korps Politie Aruba (KPA) a elabora riba un di e topico nan cu siguramente ta interesante y alabes importante pa cu e responsabilidad di e Peaton y automobilista nan den trafico y e uso di zebra pad pa asina nos como comunidad por mantene nos mes sigur riba caminda.

Peaton

Vocero policial interino Sra. Liliana Rasmijn a describi cu "Un Peaton ta forma parti di trafico na e momento cu e ta cana riba caminda." Pa es motibo aki ta importante pa tene cuenta unda ta mas sigur pa por cana y crusa paso ley tambe ta aplicabel pa e peaton.

Sra. Liliana a añadi cu un peaton tin preferencia solamente na unda tin borchi di un zebra pad pa por crusa y a recomienda tur peaton para un rato y pensa con mi por crusa caminda e manera mas sigur? "Manera nos a siña na basis school; wak links, rechts y bolbe wak links prome cu crusa. Cana rechtdoor en bes di schuin y riba un bon tempo, corda bo tambe como Peaton ta forma parti di trafico."

Un situacion comun ta Pea-

ton nan cu ta pone nan bida den peliger ora nan purba di crusa highway, caminda nan hancho (tweebaansweg). Nan ta prefera pasa over di e berm stijl (sero chikito meymey di caminda) cu ta dividi e trafico contrario en bes di crusa unda tin zebra pad. Lubidando cu nan por trompica, herida nan mes y causa accident.

Ademas Peaton nan bou influencia di alcohol mester comporta nan mes na un manera cu no ta pone nan bida of di otro den peliger. Ley ta indica bou di openbare dronkenschap cu cuerpo policial por tuma e autoridad y decision pa sea hiba e peaton su cas of depende di e peaton su estado e lo wordo deteni y hiba na ward'i polis pa 8 ora.

Automobilista

Sra. Liliana ta informa cu riba caminda tin borchi nan avisando e automobilista cu nan ta acercando un zebra pad, pa ley nan mester baha velocidad y duna preferencia na tur Peaton cu ta bay crusa riba un zebra pad. Por si acaso no tin un zebra pad, e Peaton lo mester para un caminda unda e tin bista riba tur trafico y warda tur auto pasa pa asina e por crusa of e automobilista por baha nan velocidad y duna e peaton un oportunidad pa por crusa riba tempo.

Sra. Liliana tambe a elabora

tocante peaton nan cu ta visuamente incapacita. Corda cu nan no por mira unda tin un zebra pad y pa ley nan ta haci uso di na stoki blanco door di hisa esaki pa indica cu nan kier crusa. Como automobilista bo por duna e peaton nan aki e oportunidad y preferencia pa por crusa caminda. Mayornan

Como mayor sea cordial ora di baha bo yiu na scol Sra. Liliana ta comenta. No para riba e zebra pad y obstaculisa e fluho di trafico of peaton nan cu kier crusa caminda. Abo ta mayor, abo ta ehempel y e seguridad di e criatura ta den bo man. Para prome cu e zebra pad y laga bo yiu baha sigur na scol of sali un poco mas trempen, parkeer y asisti bo yiu pa crusa caminda.

Zebra padnan ta algo comun

den nos bida diario, pero nan ta hunga un rol esencial den proteha e peaton. Sea alerta usando un zebra pad, y paga tino na e mundo rond di bo. Igual pa automobilistanan, cu mester obedece reglanan di trafico y para pa peaton pa asina nos comunidad keda uno sigur.

Comision Trafico Sigur ta invita televidentenan pa keda pendiente pa e siguiente programa. Otro luna lo tin e di cuater programa di Forum Trafico Sigur den cual lo sigui trece mas informacion di topiconan crucial pa seguridad den trafico. Si bo persona tin cuaquier pregunta pa expertonan di trafico, por manda nan via e website www.traficosigur.com of via email na info@traficosigur.aw. Salba Bida, Scoge pa Siguridad.

CONOCE E RESPONSABILIDADNAN DI UN PEATON



Salba Bida, Scoge pa Siguridad
www.traficosigur.aw

Como proximo lider di NATO, Mark Rutte lo drenta un clima politico dificil

(NLTimes) - Ora Ex Promer Minister Mark Rutte bira NATO su proximo secretario general diamars proximo, e lo inmediatamente enfrenta desafionan significante, incluyendo nabega menasanan andando for di Rusia. Den solamente 2 siman, e 32 minister di defensa di NATO lo reuni na Bruselas.

A pasa 31 luna caba desde Rusia su invasion na Ucrania den februari di aña 2022. Riba diasabra, Minister di exterior Russo Sergei Lavrov a pidi e paisnan Europeo na Nacionnan Uni pa no acepta Ucrania, cual ta aspira pa uni e aliansa desde aña 2018. Lavrov a aserta cu Europa ta riesga drenta conflicto cu un poder nuclear si e procede.

E declaracion aki ta directamente atende NATO su



principio clave: defensa colectivo, cual ta compromete e 32 paisnan miembro na asistencia militar conhunto

si algun di nan ser ataka. Rusia ta argumenta cu pa medio di yuda Ucrania, NATO ta crusa un linea peligroso, y

Moscu a menasa di responde cu armanan nuclear.

E miembranan di NATO

també emster keda vigilante riba otro puntonan global incluyendo e conflicto cu ta escalando na Medio Oriente entre China y Taiwan. E desafionan politico y militar aki ya caba ta causando un peso riba Merca, NATO su miembro mas poderoso. Pa decadanan caba, e presidente Mericano a declara cu nan pais no semper por actua como Europa su protector primario.

Bao liderazgo di Rutte, NATO ta anticipa di pone prioridad riba fortalece Europa su capacidadan militar y independencia dentro di e aliansa. Rutte ta hopi probable di colabora cu e Union Europeo, cual recientemente a nombra su prome comisario di defensa den bista di menasanan militar creciente, atakenan cibernetico y interfencia economico.



(NLTimes) - Oficialnan municipal ta luchando con pa trata hende cu ta parti di un movemento soberano y ta usa esaki pa bolter contra gobierno. Municipalidad y ambten-aarnan cu ta den contacto

cu e hendenan aki mester di mas sosten y splicacion.

Investigacion di Centro di Experticio pa Seguridad y Resiliencia di Avans Homeschool ta mustra cu esaki ta un grupo diverso cu ideanan

Oficialnan municipal luchando cu hende cu ta parti di un movemento soberano na Hulanda

diferente. Minister di Asunto Interno, Judith Uitermark, a manda e investigacion na Tweede Kamer.

E investigadornan a enfatisa cu ta haciendo trabao local pa maneha e soberanonan miho. Asina mes, hopi biah ta hay'e complica pasobra e soberanonan tin hopi diferencia mutuo.

Algun persona cu ta mira nan mes como soberano kier tene e distancia mas grandi cu ta posible for di gobierno, pero

ta cumpli cu ley. Un seccion di e soberanonan ta prepara pa usa violencia.

Investigadornan ta mira cu e "maneho pa varios crisis y scandal," specialmente crisis di coronavirus, a engrandece sentimento di desconfianza contra gobierno. Oficialnan municipal mester proba nan mes di ta partnernan confiable. "No djis putna dede pero tambe purba di compronde e problemanan subyacente sin normalisa e manera di pensa soberano," un di e

recomendacionnan ta bisa.

Den e carta na Tweede Kamer, Uitermark a skirbi cu ta preocupante "cu hende ta dropping out y birando nan lomba pa gobierno." El a enfatisa cu gobierno, hunto cu expertonan den stabildad social, ya ta yudando e municipalidadnan. E ayudo aki, cual ta basa riba "Desaroya y comparti conocemento y ofrece conseho pa asuntonan local," ta bay haya expansion den proximo periodo.

Aproximadamente 60% di prizonero na Hulanda tabata encarcela den pasado

(NLTimes)—Casi 60 porciento di hende den prizon aña pasa a ser encarcela den pasado caba, segun e Centraal Bureau van de Statistiek (CBS) a reporta dia-huebs. Aña pasa, mas cu 30,000 hende tabata den prizon pa un tempo corto of largo, casi mescos cu e aña anterior. Di esakinan, casi 18,000 tabata den detencion prome.

E poblacion di prizon ta consisti mayormente di hende homber (94 porciento). Di tur e hendenan muhe, cuatro den dies a bay prizon den pasado. Ora ta trata di hende homber, e cifra aki tabata seis den dies. E cantidad aki a cay un tiki durante e ultimo par aña cu ambos homber- y muhenan.

Na pasa, 2,800 hoben for di 18 pa 23 aña di edad tabata den prizon (nuebe porciento di tur e detenidonan). Pa casi tres den dies di e hobennan aki, esaki no tabata prome biahia

cu nan a haya nan mes den prizon adulto.

CBS tambe a investiga e nivelnan di educacion di hende encarcela: 62 porciento tabatin un educacion di MBO, y ocho porciento tabatin un educacion di HBO of WO.

Di e hende den prizon aña pasa, 47 porciento a nace pafo di Hulanda. Dentro di e poblacion Hulandes total, esaki ta 17 porciento. E cantidad di hende den detencion cu a nace pafo di Hulanda a aumenta den e ultimo dos añanan. Di e grupo aki, mita ya a ser deteni caba.

Segun CBS, e cantidad di hende den prizon preliminario a aumenta aña pasa. Di e 9,600 hende cu tabata deteni dia 30 di september 2023, casi 4,400 tabata den prizon preliminario prome cu nan caso a ser trata. Esaki ta un aumenta di ocho porciento compara cu 2022.



winair

a world of opportunities await

Winair offers a dynamic environment where individuals can take their careers to new heights.

As a company committed to creating a positive impact with every interaction, we invest in our employees, empowering them and strive to be an excellent workplace for ambitious professionals. Our team is dedicated to providing exceptional service and creating unforgettable experiences for our passengers. Whether you're seeking a challenging role in aviation or looking to contribute to a company that values growth and innovation, Winair offers a variety of exciting opportunities to help you reach your career goals.

Join our team and be part of an uplifting force that makes a difference in the lives of our passengers and communities. We are currently looking for

CUSTOMER SERVICE AGENT

Join our dynamic team and provide exceptional service to our passengers. As a Customer Service Agent at our sales location in Curacao, you'll be the face of our airline, ensuring a smooth and enjoyable travel experience.

Scan the QR code on this page to see our full vacancy description on our career page.

CABIN CREW

Embark on a dynamic career as a Cabin Crew member. Join our friendly and dedicated team - based in St. Maarten and provide exceptional service to our passengers while flying to exciting destinations around the Caribbean.

Scan the QR code on this page to see our full vacancy description on our career page.

GROUND SERVICE EQUIPMENT MECHANIC

Contribute to the safe and efficient operation of our fleet. As a Ground Service Equipment Mechanic based in St. Maarten, you'll maintain and repair our aircraft ground support equipment, ensuring their reliability and performance.

Scan the QR code on this page to see our full vacancy description on our career page.



& MORE

scan the QR code or visit our career page on our website for the full descriptions of these and more vacancies, as well as further vacancy application details

<https://www.winair.sx/careers>

Centenares di hende muhe a marcha na ciudadnan di Latino America pa derecho riba aborto legal y sigur

(AP) — Centenares di hende muhe a subi caya y plasanan di diferente pais Latino Americano diasabra ultimo pa marcha pa Dia Mundial di Accion pa Aborto Legal y Sigur, multiplicando e voznan di miles di hende muhe cu ta pidi respet pa nan derecho riba aborto y pa dicidi libremente tocante nan mesun curpa.

“Ta un yiu muhe no desea ta algo hopi compleho y cuida infancia for di e momento cu bo mester ta un yiu desea pa bo bida ta mas bunita posibel ta algo hopi importante,” asina Cecilia Ramos, un studiente Mexicano di 26 año a bisa, el a marcha den di un di e avenidanan principal di Ciudad di Mexico.

“Mama pa decision no pa imposicion,” tabata bisa un di e borchinan di e marcha den e capital Mexicano. Un año pasa, Corte Supremo di Husticia di Mexico a autorisa aborto den henter e teritorio, aunke ainda tin estadonan cu no a adapta nan leynan na e sentencia ey.

E ola di sjaal berde cu cual

gruponan feminista ta identifica nan mes tambe a sali pa marcha den e cayanan di centro di Lima, na Peru, y na zonido di tambornan nan a exigi cu “un mucha muhe na estado ta un mucha muhe viola.”

Maria Paz Cruz, representante di Amnistia Internacional den e pais Andino, a recorda cu aborto terapeutico a ser legalisa den e nacion un siglo pasa, pero solamente den casonan unda tin riesgonan pa salud di e mama.

Sinembargo, apenas 10 año pasa a aproba un protocol cu ainda tin deficiencianan pa su aplicacion, manera casonan di embaraso infantil cu no a ser atendi, segun el a señala.

Na 2023, mas cu 1,350 mucha muhe Peruano “a ser forsa pa bira mama,” Cruz a bisa, cual ta e motibo pakico ta “esencial pa haci e lucha visibl.”

Na Ecuador, terminacion di embaraso ta permiti te na e di 12 siman di embaraso, pero solamente den casonan di violacion.



Na juli, gruponan feminista a presenta un demanda na Corte Constitucional pa logra e descriminalisacion di aborto.

Pa e activista Ecuatoriano Veronica Vera, ta urgente pa e organo constitucional di mas halto “elimina e crimen di aborto” pasobra “hende muhe ta ser criminalisa, nan ta wordo denuncia, nan ta birando gravemente malo

debi na abortonan insigur.” Segun cifranan oficial, a registra 611 aborto na Ecuador for di 2022 -ora aborto a ser aproba te cu e di 12 siman di embaraso.

Pero organizacionnan no gubernamental a señala cu e cifra aki probablemente ta hopi mas abao cu esun real pa motibo cu mayoria di e proceduranan ta ser ejecuta den forma clandestinamente.

Algun pais cu ta permiti aborto sin condicion ta Argentina, Uruguay, Cuba y Colombia, e ultimo aki te cu e di 24 siman di embaraso.

Den otro nacionnan e ta permiti ora tin riesgonan pa salud di e mama, debi na violacion of e existencia di malformacionnan, prome cu cumpli cu rekitonan legal -cu gruponan feminista ta considera obstaculonan.

Mexico: Por lo menos 118 morto regista na Sinaloa desde cu ‘guera’ a cuminsa entre gruponan criminal

(Infobae) - Ayera 29 di september a marca 20 dia sin interpcion di violencia na Sinaloa, pa via di e lucha cu ta existi entre e celnan criminal di Los Chapitos y La Mayiza.

Culiacan, e capital estatal, ta un di e areanan mas afecta pa enfrentamento, narco bloleo y tiramento, aunke e rivalidad a extende pa municipionan manera Elota, Concordia, San Ignacio y El Dorado.

Cifranan oficial di Oficina di Fiscal General di Estado (FGE) y Secretariado di Seguridad y Proteccion di Ciudadano (SSPC) ta muestra cu entre 9 y 27 di september, por lo menos 106 homicidio intencional a ser cometи na Sinaloa.

Den diferente episodio, e curpanan di e victimanan a ser bandona hunto cu obhetonan -manera sombre of caha di pizza- cu ta haci



referencia directo na e disputa criminal entre Los Chapitos y La Mayiza. Sinembargo, autoridadnan no a ofrece un rapport oficial cu ta permiti sa si tur e crimen ta relaciona cu e situacion aki.

Na e 106 asesinatonan cometи den e periodo menciona ta agrega e mortonan di por lo menos seis miembro di Secretaria di Defensa

Nacional (Sedena), mata durante emboscada y enfrentamento cu civilnan arma.

Un di e escenan cu a refleha e violencia persistente den e entidad a keda graba riba e anochi di diabiera 27 di september, ora cu autoridadnan a haya varios curpa den un truck riba avenida Heroico Colegio

Militar, cerca di e panteon di Jardines del Humaya. E frase “Bienvenido a Culiacan” tabata skirbi na banda di e vehiculo.

Riba e dia ey, autoridadnan federal a registra un total di 10 homicidio intencional na Sinaloa. Te na momento di e publicacion aki, no tabata conoci si e datonan ta inclui e curpanan haya den e truck,

ya cu Ministerio Publico di Estado no a ofrece detayenan tocante e suceso.

No tin un version oficial pa loke ta trata e victimanan cu a perde nan bida sin tin ningun relacion cu e lucha criminal.

Datonan comparti pa medionan local ta indica cu dia 28 di september, a registra por lo menos seis morto mas den e contexto di violencia aki, ya cu e descubrimiento di cinco curpa a keda confirma ora a kita e bloleo riba Culiacan-Mazatlan Maxipista, mientras cu un mucha homber di 17 año a ser tira mata pa homberman arma den e barrio di Villa Bonita di e capital.

Si ta considera e casonan aki, como tambe e cantidad di militarnan cu a muri, e ‘guera’ entre Los Chapitos y La Mayiza a cobra bida di por lo menos 118 persona.

Cuba: Corte Supremo ta bisa cu rednan social ta exagera problemanan di seguridad

(CubaHeadlines) – Vice-presidente di Corte Supremo Cubano, Maricela Sosa Ravelo, a bisa noticiero Britanico BBC cu e supuesto problemanan di seguridad na e isla ta exagera riba rednan social. El a atribui e narrativa aki, manera tipicamente den retorica di gobiernu, na campana di desprestigio orkestra for di Merca.

Comentariionan di Sosa Ravelo, describi pa BBC como “inusual” pa motibo di e secrecia usual di regimen Cubano, tabata parti di un reportahe den cual otro dos ciudadano a comparti nan punto di bista riba seguridad na e pais, resaltando un contraste fuerte entre e percepcion publico y e posicion di autoridadnan.

“Den mi 30 aña como hues y magistrado, mi no ta kere cu pueblo Cubano falta confiansa den nan autoridadnan,” el a declara. Tambe el argumenta cu “na



Cuba, polis tin un tasa halto di exito den resolve crimen. Nos no ta mira hende tumando ley den nan propio man – manera ta pasa den otro parti di America Latino – cual ta sugerí cu e poblacion ta confia sistema di husticia Cubano.”

Sinembargo, e realidad ta parce di ta significantemente

diferente di e narrativa oficial. Rednan social a bira un plataforma pa Cubanonan expresa nan keho y sentido di abandono di oficialnan di gobiernu y polis, specialmente mientras e condicionnan economico ta empeora. Un chemplo di esaki ta un incidente recien na Santiago de Cuba. Crimen manera robo y asalto, algun

den luz di dia, ta kehonan frecuente entre Cubanonan cu no ta sinti e seguridad “reinando” cu antes tabata existi riba e isla.

Na april di e aña aki, e regimen mes a reconoce e aumento den consumo di droga na e pais, especificamente mencionando e daño causa pa “quimico”, un droga

barata y cada bes mas popular afectando hendenan jong.

Similarmente, na juni gobiernu mester a reconoce un aumento den violencia, incluyendo uso di arma di candela, alarmando e poblacion mas ainda.

Segun liderazgo Cubano, manera expresa pa coronel Eddy Sierra Arias, cabesante di Polis Nacional Revolucionario, actividadnan criminal ta vincula na varios factor, incluyendo contrabanda for di exterior, trafico di droga y movimiento di ciudadano tanto nacional como stranhero, cu tin impacto negativo riba seguridad na e pais.

E hechonan ta cla: ta realisando mas keho, y e evidencia grafico circulando riba rednan social ta sostene e exigencia di pueblo Cubano pa mas proteccion. E gap aumentando entre gobiernu y ciudadano ta cada bes mas evidente.

Venezuela: Maduro ta expresa solidaridad na grupo terorista Hezbollah pa morto di Hassan Nasrallah

(infobae) – Nicolas Maduro no ta sconde mas su relacion estrecho cu diferente gruponan terorista internacional. Diasabra nochí, durante un acto na Caracas, e chavista a pronuncia tocante e morto na Beirut di e hefe di Hezbollah, Hassan Nasrallah. Dilanti di su siguidornan, e dictador a condena e atake Israeli den cual e hefe terrorista a muri, expresando solidaridad cu e grupo extremista Libanes.

“Awe a bira conoci e asesinato di un lider di mundo musulman, di pueblonan Arabe, e señor Hassan Nasrallah, secretario general di Hezbollah,” el a expresa. “Y mi kier expresa, den nomber di e bloke historico revolucionario di e forsanan Bolivariano di Venezuela, e solidaridad cu Hezbollah, cu su familia, cu pueblo di Libanon.”

Di su banda, Maduro, cu tin lasonan conoci cu

extremismo Islamico y ta acusa di crimennan grave di lesa humanidad na Venezuela, a bisa cu Israel a duna orden pa e atake “for di e sede na New York di Nacionnan Uni.”

“E cobardenan di mundo ta keda keto, pero e pueblonan rebelde, niun hende lo silencia nos voz. P’eseys mi ta haci un yamado na e pueblonan di mundo, pueblonan musulman, pueblonan Arabe pa hisa nan voz y solidaridad cu pueblo Palestino, cu pueblo di Libanon,” el a conclui.

Forsanan di Defensa Israeli (IDF) a anuncia diasabra e eliminacion di e hefe di Hezbollah den un atake ehecuta diabierna na Beirut. Nasrallah, kende tambe tabata un di e fundadornan di e organizacion, a ser mata hundo cu Ali Karki, comandante di Frente Sur di Hezbollah, y otro alto mando di e organizacion. E golpi aki a realisa despues di un operativo minucioso basa riba informacion di inteligencia

di IDF y agencianan di seguridad Israeli.

principalmente a traves di Hezbollah.

nan influencia a crece considerablemente.

A ehecuta e atake cu avion di combate di IAF, cu a lansa un bombardeo preciso riba e Cuartel General Central di Hezbollah. E instalacion aki tabata scondi bao di un edificio residencial den area di Dahye, na Beirut, y na momento di e atake, e lider di Hezbollah tabata na e lugar planificando actividadnan terorista nobo contra ciudadanonan di Israel.

E lasonan entre Venezuela y Iran a fortalece desde e presidencianan di Ahmadinejad y Chavez na aña 2005. Sinembargo, un red fuerte di sosten pa Hezbollah a existi na Venezuela pa hopi tempo caba; e grupo terorista Libanes tin cel den e pais Caribense desde comienzo di añaan 1990.

Pero cu yegada di chavismo,

Regimen Venezolano, aliado di Iran, a habri porta pa e teroristanan di Hezbollah, cu awo tambe tin un presencia grandi den e frontera triple entre Brazil, Paraguay y Argentina.

E Republica Islamico tin relacionestreichocu Venezuela pa hopi tempo caba, desde yegada di Hugo Chavez na poder. E vinculan cercano di Maduro cu e regimen di ayatolanan a permiti e Persanan extende nan presencia militar y financiero den America Latino,



Chapell Roan ta retira di festival di musica All Things Go

(AP) - Chapell Roan, e cantante cu a ricibi hopi fama recientemente y a publicamente encontra dificultad cu su fama creciente, a retira for di e festival di musica cu a tuma luga e fin di siman aki.

"Mi ta pidi despensa na tur hende cu tabata wardando pa wak mi na NYYC y DC e fin di siman aki na All Things Go, pero mi no lo por present. Cos a bira hopi abrumante pami durante e ultimo simannan y mi no ta sinti'e," Roan a publica diabierna riba Instagram.

E tabata den scheduel di duna conciert a New York Forest Hills Stadium riba diasabra y na Merriweather Post Pavilion pafo di Washington diadomingo como parti di e festival.

"Mi ta sinti presion pa duna prioridad na hopi cos actualmente y mi tin mester di algn dia pa duna prioridad na mi salud. Mi kier ta presente ora cu mi duna concierto y duna e miho shownnan posibel," el a continua den su declaracion. "Danki pa componde."

Representantenan di Roan no a responde immediatamente na The Associated Press su



peticion pa comentario. Den un declaracion, representantenan di All Things Go a bisa cu "nan curason ta kibra."

"All Things Go ta sostene fuertemente e artistanan y ora nan tuma e decision di duna prioridad na nan bienestar y nos ta pidi nos comunidad pa para tras di Chappell Roan cu amor y comprendimento," e declaracion a bisa. "Ban sigui demostra mundo cu fanaticonan di musica no ta sostene solamente arte, pero tambe e artistanan mes."

Luna pasa, Roan a comparti un serie di publicacion riba TikTok unda el a describi su

relacion cu fama y e maneran inapropia den cual hendenan ta interactua cune den publico. "Mi kier pa boso contesta un pregunta, djis contesta mi pregunta un rato: Si bo mira u muhe ta cana riba caya, bo ta grite for di e bentana di bo auto? Bo lo acos'e den publico?" el a puntra den su videonan.

Recientemetne, Roan tambe a ricibi hopi critica pa motibo cu e no a promove un candidato presidencial den e elecion binidero di Merca, na diferencia di otronan manera Taylor Swift y Billie Eilish kendenan ta sostene Vice Presidente Kamala Harris.



Riba diaranson, Roan a publica un video riba TikTok cu e no lo promove un candidato pero si lo vota pa Harris. El a expresa decepcion di ambos partido, bisando cu e no "lo conforma cu loke a ser ofreci pa motibo cu e ta questionabel."

Roan ta un di año 2024 su storianan di exito mas grandi, yegando un hit top 10 riba Billboard Hot 100 cu Good Luck, Babe!"

Su debut yen di innuendo, The Rise and Fall of a Midwest Princess a yega posicionnan halto den e ultimo

lunanan, actualmente na number 3 di Billboard 200 un año despues di su lansamento. Su concierto masivo na festivalnan di musica e zomer aki ta parcialmente responsabel pa su exito, vocero di Lollapalooza a bisa cu su set di luna pasa tabata un di esnan mas grandi den e historia di e festival.

Anteriormente e luna aki, el a ricibi MTVsu Video Music Award pa Best New Artist, cantando na e ceremonia. Su proximo presentacion lo ta na FirstBank Amphitheater na Tennessee riba diamars.

Fanaticonan di Prince awo por huur cas di 'Purple Rain'

(AP) - Pa un tempo, te cu 100 fanatico di Prince cu bishita e difunto cantante su bario lo tin unda pa keda ora cu e fiesta caba, cu lo laga nan disfruta di su legado cultural, un cas cu a ser usa den e pelicula "Purple Rain."

Aunke e cas na Minneapolis ta parce uno comun y coriente for di pafo, tin suficiente cos paden cu e devotonan di e difunto icono lo disfruta den e cas cu lo por huur via Airbnb. Den e di dos piso, un closet grandi y decora cu vestuarionan bisti pa Prince tras di glas y tin otro vestuarionan disponibel pa esnan cu huur e cas por disfruta.

"Y loke e bishitantenan lo por haci ta hunga cu un seleccion di vestuarionan y estilo ico-nico cu nan por usa y trece dilanti nan strea interior nan mes," Ali Killam a bia.

E huur lo ta accesibel pa e fanaticonan cu posiblemente no ta di hopi recurso, na un



prijs di solamente 7 dollar pa anochi pa te hasta 4 persona. E prijs ta basa riba Prince su number faborito y lo tin un total di 25 estadia pa anochi disponibel durante 7 siman for di dia 26 di october te cu 14 di december.

E Airbnb aki ta un 'sign o' the times', e di 40 aniversario di e pelicula. Den e pelicula, a mira Prince como The Kid, un musico y lider di e banda cu un bida turbulentu den e cas cu ta na huur awo.

E pelicula, conhumentamente cu e album hit di mesun nomber, a converti Prince den un gran celebridad via

canticanan manera "Let's Go Crazy," y "When Doves Cry." Esakinan a sigui otro hitman manera "1999" y "Little Red Corvette," ademas di a bende mas di 100 miyon record cu un mescla di rock, funk y soul. El a fayece dia 21 di april den año 2016 a causa di un sobredosis accidental di fentanilo cu 57 año di edad na Paisley Park.

E huur lo keda anfitriona pa Lisa Coleman y Wendy Melvoin, dos amiganan cercano y colaboradoran di Prince, di parti di Airbnb, e difunto su estado y compania global di media Warner Bros. Discovery.



Cas Princesa Aruba na Museo Archeologico Arubano

Recentemente e candidatanan pa e certamen di Miss Beauty Aruba 2024, a haci un bishita educativo na Museo Archeologico Arubano. E ricibimento tabata di Norwin Maria y despues, bou guia di Suzette Kelly Boekhoudt y Karin Drost Hijmering. E candidatanan a haya e documentario di Aruba su historia den diferente etapa titula Keeping Heritage Alive, presenta.

Esaki a inclui e antepasandonan di nos isla. Temanan presenta, e dia aki, tabata e.o.: Especienan stranhero, Cultura di Morto, Storianan di piedra, Caquetio: E idioma di nos Antepasdonan y Descubriendo historia bou di nos pia. E presentacion a culmina cu un wega unda e candida-



datanan a recibi pregunta cu nan por a contesta haciendo un paseo den e museo. Un storia interesante tambe tabata esun dje raton Maiky, cu ta haya un les for di shon Shocco. E cas di Aruba su heroe Arubano, Boy Ecury, tambe tabata parti dje presentacion. Cas Princesa Aruba ta gradici

Museo Arkeologico Arubano pa e ricibimento y tremendo presentacion. Dia 1 di november 2024 ta e certamen final di Little Princess, Little Beauty y Pre Teen, den Cas di Cultura. Mas informacion por bishita e FB of Instagram di Cas Princesa Aruba.

Potret: Jacy Croes



Meta pa inspira nos hubentud pa sigui den ramo di cuido

Grupo di Colegio EPI ta bishita clinica di oncologia HOH

Horacio Oduber Hospital a tene un open dag na clinica di Oncologia specialmente riba e dia aki studiante di Colegio EPI, specificamente di e unidad “verpleging”. E open dag aki tabata pa e grupo di klas 2, klas 3 y klas 4 di EPI unidad “verpleging”. Yolanda Levestone, nurse na clinica di oncologia, a comenta cu e dia tabata uno special mirando cu HOH ta desea di inspira e studiantenan pa sigui cu

nan pasion pa cuido y haya sa mas tocante oncologia. Studiantenan tabatin hopi pregunta y mas cu claro esey ta yena di team di oncologia cu hopi emocion.

E team di oncologia a prepara un total di seis diferente post pa e studiantenan cera conoci di cerca kico e trabou aki ta encera. E prome post tabata e balie, sigui pa un audiencia cu e oncologonan y tambe nan a cera conoci cu e “be-handelkamer”, cu ta caminda

e studiantenan por a mira e diferente investigacion cu e specialistanan ta haci. Ademas, e studiantenan a cera conoci cu e proceso di “verplegkundige sprekuur” cu ta e prome contacto cu e pashtentin cu e dokter. Tambe tin e telefonisch gesprek, ca-

minda nan ta yama e pashtent pa haya sa con a bay.

Durante e open dag e intencion tabata pa e studiante mira di cerca con e rutina completo ta na clinica di oncologia. A atende alrededor di 40 studiante di Colegio EPI

unidad “verpleging”, nan a mira y siña tocante e proceso na clinica di oncologia. Danki ta bay na e team completo na clinica di oncologia cu a organisa e open dag y alabes na e studiante y maestronan di Colegio EPI cu a atende e dia aki.



LABHOH O'STAD TA MUDA

DESDE 30 DI SEPTEMBER 2024
LABHOH ORANJESTAD (DILANTI DVG) TA MUDA.
PERO NOS SEMPER T'EY NA E SIGUIENTE LOCALIDADNAN:

Prikpost Piedra Plat



Dialuna pa diabierna
6:00 am - 12:00 pm / 1:00 pm - 3:00 pm
(tur servicio) • Tel.: 527 4916

Prikpost HOH



Dialuna pa diabierna • 7:00 am pa 4:00 pm
(tur servicio) • Tel.: 527 4901

Prikpost Ponton



Dialuna pa diabierna • 7:00 am pa 12:00 pm
(solamente saca sanger) • Tel.: 527 4901

Prikpost San Nicolas



Dialuna pa diabierna • 6:30 am pa 11:00 am
(tur servicio) • Tel.: 280 7711

Horacio Oduber
HOSPITAL
LABHOH

NOS SEMPER T'EY!

FC Utrecht ta gana AZ pa subi pa segunda luga; Ajax ta gana 2-0 contra Waalwijk

(NLTimes)—FC Utrecht a gana AZ Alkmaar ayera nochí, poniendo nan na di segunda luga den e liga di Eredivisie. Troy Parrot a duna AZ e avance na Alkmaar prome cu Utrecht a completa un comeback danki na e golnan di Yann Cathline y Paxten Aarsonsen.

Parrot a hinca e prome gol di e wega despues di 24 minuut mientras AZ a probecha di un eror den e defensa di Utrecht. Mike van der Hoorn a laga e bala pa keeper Vasilias Barkas, pero esaki a duna Sven Mijnans e espacio pa kita bala for di nan y scop e leu pa e delantero Irlandes, ken a hink'e den un net bashi.

Pero e avance no a dura mucho. Shete minuut despues, Cathline a ricibi e bala

prome cu su tiro a drenta e skina di gol, nivelando e wega atrobe. No tabatin hopi chens durante e wega, pero ta parece cu tur tiro a drenta gol si. E gol victorioso a bin for di Aarsonsen, ken a scop un paso di Sofian El Karouani den e net cu un solo toque.

E wega a habri un tiki despues di e 1-2. Jayden Addai tabatin chens pa igualisa pa AZ prome cu Victor Jensen a tira bala den tubo. Despues el a tira un cabesaso, atrobe den direccion di tubo. Increiblemente, AZ tambe tabatin un hungado cu a dal tubo dos baha tras di otro. Sven Mijnans a pasa e bala den caha den direccion di David Møller Wolfe, ken a tira un cabesaso riba tubo manera Jensen a haci prome.

Ambos banda awo a keda cu

16 punto e temporada aki. Sinembargo, Utrecht ta para mas halto riba e ranking di e liga debi na e diferencia di gol superior.

Ajax a sigui despues cu un victoria impresionante di 4-0 contra Besiktas cu un wega perdi 0-2 contra RKC Waalwijk diadomingo. E Amsterdammers a bringa e temporada aki despues di nan weganan den competencia Europeo.

Gerente Francesco Farioli un bes mas a usa un ekipo gira. Jayden Banel y Christian Rasmussen a cuminsa como delantero, cu Bertrand Traore y Mika Godts tumando descanso. Ajax tabatin den control na Waalwijk den e prome mita sin crea hopi chens pa hinca gol. Branco van den Boomen a bin mas cerca



despues di dal tubo cu un tiro libre.

E ekipo di Farioli a kibra e impasse den e di 76 minuut. E esfuerzo di Davy Klaassen a ser salba den gol prome cu e bala a bons back for di Traore, ken a drenta na comienzo di wega. E delantero

for di Burkina Faso a tira pa gol instantaneamente, y esaki a drenta gol.

E wega a caba den e di 94 minuut ora Mika Godts, e otro delantero cu a drenta wega, a hinca e bala den e skina abao di e net.

Prome biahá den historia Aruba ta anfitrion di e di 20 campeonato mundial di domino



Diahuebs mainta, Minister Endy Croes a acudi na e ceremonia di apertura di e di 20 Campeonato Mundial di Domino cu pa prome biahá den historia ta tuma luga na Aruba. E ceremonia a inicia cu himno di Aruba interpreta pa e legendario Sr. Robert Jeandor, sigui pa discurso di presidente di Federacion Internacional di Domino Sr. Manuel Oquendo, presidente di ASU Sra. Soraida Boekhoudt y Minister di Deporte Endy Croes.

“Domino ta hopi mas cu simplemente un wega di mesa, e ta un tradicion cu ta recordanos e valor di concentracion, tactica y trabou den



ekipo”, Minister Endy Croes a subraya. Despues di e ceremonia a tuma luga un wega simbolico entre Sr. Manuel Oquendo, Sra. Soraida Boekhoudt, Sra. Nicole Hoevertsz y Minister di Deporte Endy

Croes pa duna inicio oficial na e campeonato. Alrededor di 420 hungado di domino internacional di 16 pais ta na Aruba pa competi den e Mundial di Domino. Aruba tin rond di 90 hungado par-



ticipando den campeonato aki.

Desde un año y mey pasa Minister Endy Croes a reuni cu Aruba Domino Bond y presidente di Federacion Internacional di Domino Sr. Manuel Oquendo y del-

egacion, unda cu e preparacionnan a inicia pa Aruba ta cede y anfitrion di e mundial aki. Concluyendo, Minister Endy Croes ta desea tur e hungadonan hopi exito. Cu deseo, disciplina, dedicacion y determinacion ta logra.

Alhambra

CASINO AND SHOPS

Serving our guests for over 38 years, Alhambra Casino is the leader in providing excellent customer service and invites qualified applicants to join the team. Alhambra Casino team members enjoy competitive pay and a fun work environment.

Slot Attendant

Job Requirements:

- Fluent in English, Dutch, Spanish and Papiamento.
- Able to work under pressure.
- Good communication skills.
- Applicants should be responsible, friendly, outgoing and service minded.
- Teamwork.
- Able to work multiple shifts and Holidays.
- Basic computer knowledge skills.
- Basic knowledge of casino slot gaming.

Security (Male)

Job Requirements:

- Must be able to prepare reports.
- Serious person and flexible with schedule.
- Knowledge in computers and Outlook is a plus.
- Good communication skills.
- Must be in good physical condition.
- Able to work all shifts, weekends and on holidays.
- First Aid and CPR knowledge are a plus.

We are accepting applications for the following positions!

Cleaner (Male)

Job Requirements:

- Basic Knowledge of English, Spanish and Dutch.
- Able to work shifts, weekends and Holidays.
- Good communication skills.
- Preferable some experience with chemicals and cleaning products.
- Outgoing Personality.
- Team work.

Panther Driver

Job Requirements:

- Valid Driver's License.

Floor Supervisor (Live Games)

Job Requirements:

- Minimum 5 years in supervisory experience with Strong leadership and supervisory skills, with the ability to motivate and manage a team.
- Extensive knowledge and experience in casino game operations, rules, and procedures.
- Knowledge of all games.
- Strong math skills.
- Excellent customer service and organizational skills.

Job Responsibilities:

- Monitors games to ensure integrity and compliance with established policies, procedures and Gaming Guidelines.
- Maintains and replenishes bankrolls.
- Responsible for verifying fills, credit slips, opening and closing slips and markers pertaining to games in assigned area.
- Monitors, evaluates and records customer's gaming activities for rating purposes.
- Other job assignments as requested by management.

We Offer:

- Pleasant work atmosphere.
- Competitive salary.
- Attractive benefits.
- Opportunity to grow in the company.

Apply in person from Monday through Friday at the Human Resources Office, from 8:00 a.m. - 4:00 p.m. or email: J.Geerman@divisino.com

Attn. Ms. Jane Geerman - Human Resources Manager. Please bring picture

Valid Government ID required. * You will be required to take a drug test, before hiring * Must be Aruban Citizen

20 federacion participando den ASU Olimpiada 2024

Recentemente, Minister Endy Croes a acudi na apertura oficial di ASU Olimpiada 2024 cu a tuma luga na Centro Deportivo Fransa Figaroa na Noord. Desde año 2018, Aruba Sport Unie no a organisa e campeonato aki mas.

E directiva nobo di ASU a tuma encargo di e proyecto aki y a hink'e den un bachi nobo. E ceremonia a inicia cu desfile di e 20 federacionnan cu ta participando. Sigui pa e himno di Aruba canta pa

Sr. Edward van der Biezen. Minister di Deporte y presidente di ASU Sra. Soraida Bockhoudt a hiba palabra na e ocasión aki. Gihae Gymnastics y Aruba Tang Soo Do Federation a presenta un bunita show cu nan a gana premio cune na North Carolina, Merca.

Un momento emocionante tabata ora cu e atleta Amika Every a cende pebetero pa duna inicio na ASU Olimpiada 2024. Presidente di ASU hunto cu e mandatario di Deporte a declara e Olimpiada



2024 habri. E publico presenta a presencia un bunita show di apertura yena di color y talento. "Palabra di pabien na

directiva di ASU pa organiza e competencia deportivo aki pa nos atletanan. Por ultimo, e mandatario di Deporte ta

desea e atletanan hopi exito cu deseo, disciplina, dedicacion y determinacion ta logra.



Experto di Google na huicio anticompetencia ta bisa cu gobierno ta subestima competencia pa 'online ad dollars'

(AP) - Reguladornan federal kendenan ta bisa cu Google tin un monopolio ilegal riba e tecnologia cu ta match e promotor online cu e publicista ta subestimando e competencia cu e gigante di tecnologia ta enfrenta, un experto contratada pa Google a testigua diahuebs.

Mark Israel, un economista cu a prepara un rapport di parti di Google, a bisa cu e gobierno su acusacion cu Google tin monopolio riba e tecnologia di aviso ta enfocando di manera inapropia riba e mercado cu e gobierno ta defini como "open web display advertising," esencialmente e avisonan rectangular cu ta aparece arriba y na banda di un website ora cu e consumidor haci uso di web riba desktop.



Sinembargo e gobierno su caso no ta tuma na cuenta e variedad di competencia cu ta tuma luga fuera di esaki, segun Israel. Den mundo real, e promotornan a cambia dramaticamente na unda nan ta inverti mas placa den companianan di rednan social manera Facebook y TikTok ademas di bendedornan online manera Amazon.

Ora bo tuma na cuenta tur e promocionnan online, no solamente e segmento definido pa e gobierno su caso, Google ta ricibi slamente 10% di e Mercado desde 2022, el a declara. Esaki ta un disminucion di casi 15% compara cu un decade atras.

Ademas, e promotornan no ta pone aviso riba screen di

desktop y computer unda Google ta acusa di controla e mercado, cu placa migrand na avisonan poni riba aplicacionnan of pantaya di dispositivonan. Israel a cita data di marketing cu ta demostra un disminucion den esaki di 71% compara cu 2013 y 17% compara cu 2022.

E gobierno su caso "no ta tuma na cuenta unda e competencia realmente ta awendia," Israel a comenta.

Su testimonio ta bini mientras Google ta termina su defensa den e tercer siman di e huicio aki anticompetencia cu a cuminsa anteriormente e luna aki. Hues di districto mericano Leonie Brinkema a bisa cu e ta premira cu e gobierno lo bini cu su contra argumentonan den e caso dia bierna y despues e huicio lo bay riba un break, cu ambos

banda entregando e resultandan cu a propone den november y regresando corte pa haci e argumentonan di clausura. El a bisa cue ta anticipa cu lo tuma un decision pa fin di aña.

E gobierno su caso ta acusa cu Google a crea y mantene un monopolio ilegal cu ta restringi e opcionnan y ta infla e prijs pa e publicistanan online y promotornan. Su control den e mercado a permiti Google keda cu 36 cent di cada dollar pa cada aviso cumpra y bendy via su tecnologia ad tech stack segun e gobierno su acusacion.

E gobierno su caso ta acusa cu Google ta mara mercado na otro ilegalmente, cual ta obliga e publicistanan usa Google su tecnologia si nan keir acceso na Google su gran cantidad di promotornan.

X ta haci peticion pa keda restaura na Brazil despues di cumpli cu ordo di hues



(AP) - Den e bataya grandi entre mundo su homber mas rico y un miembro di Corte Supremo di Brazil, Elon Musk a blink.

Musk su website y plataforma di red social a cumpli cu Alexandre de Moraes su ordo y a pidi pa re establece su servicio na e pais segun fuentenan a informa diahuebs.

X a cumpli cu ordo di blokia cierto cuentanan for di e plat-

esaki. Riba diasabra, De Moraes a duna ordo pa e plataforma entrega documentacion adicional tocante su representante legal pa corte evalua, cual e fuentenan a informa cu a ser haci caba.

X a keda blokia dia 30 di agustus den e pais sumamente online di 213 miyon persona, unda e tabata un di X su mercado mas grandi cu mas di 20 miyon usuario. De Moraes a duna ordo pa clausura e website despues di lucha cu Musk pa varios luna a causa di libertad di expresion, cuentanan ultra derechista y mal informacion. E compania a bisa cu na e momento, De Moraes su esfuerzo pa blokia cierto


cuentanan tabata decisionnan ilegal di censura "oposicion politico" y cu e no lo cumpli cu esaki. Musk a yama e hues un enemigo di libertad di expresion y un criminal. Sinembargo De Moraes su decision a keda sosteni pa su coleganan, incluyendo su prohibicion nacional di X.

Den un cambio, X su representante nobo ta e persona cu tabatin e posicion prome cu X a cera su oficina na Brazil, segun e compania su documento publico na Sao Paulo su registro comercial. Esaki a sosode despues cu De Moraes a menasa di detene e persona, Rachel de Oliveira Villa Nova Conceicao, si X no cumpli cu e ordo di blokia

e cuentanan.

Den un esfuerzo di evita cu e lo carga e culpa di varios violacion di leynan Brasilero, y riesga un detencion, un clausula a ser skirbi den e acuerdo di representacion cu cualquier accion di parti di X cu resulta den obligacionnan pa su persona ta rekeri instruccion por escrito di e compania, segun e compania su documento na e registro.

Associad Press su emailnan y yamadanana na su oficina no a ser contesta. Corte Supremo su oficina di prensa no a confirma e recibo di X su documentonan y X no a contesta inmediatamente na AP.



Chauffeur a perde control na crusada y a bay dal riba cura

Diabierna birando anochi a drenta informe di un accidente cu hende herida na e crusada Weg Rooi Hundo cu Weg Fontein, mesora a dirigi tanto polis como ambulans na e sitio.

Na yegada di e patruya a bin comprende cu aki un chauffeur a perde control y a bay dal riba e cura di un cas. Debi na e fuerte impacto tanto e chauffeur como e ocupante a resulta herida. Na yegada di e 2 ambulans a atende nan y a hiba ambos victimas cu urgencia pa hospital.



Despues di mas di 8 luna cu el a kima a cuminsa ruim op loke a keda

Diasabra mainta a por mira equiponan pisa mobilisa pa unda antes tabata Baby Back Grill pa asina cuminsa ruim op loke a keda despues di e candela feroz cu a kima ful e lugar na comienso di aña.

Temporalmente Baby Back Grill ta ubica riba e parking-lot banda di Certified.



Ladronnan a bay cu cantidad di waya di koper recien poní den edificio

Diasabra mainta a drenta informe di un caso di kiebro cu ladronicia na un edificio den reconstrucción na Dominicanessenstraat, mesora a dirigi un patruya na e sitio.

Na yegada di e patruya a bin comprende cu ladronnan a kibra drenta horta den e lugar y a bay cu cantidad di waya di coriente nobo recien instalá y varios herment. Bisiñanan a bisa cu ultimo dianan aki nan a bira víctima di kiebro cu ladronicia den e barrio.



Polis a duna homber cu a bebe dimas un lift pa su cas

Diasabra madruga durante patruya polisanan atento di distrito 2 (Noord) a bin topa cu un persona sinta abao cu casi no por para mas riba su pia.

Mirando su situación y cu e no ta biba leu, pa su mesun seguridad y di otronan polis a ofrece un lift pa su cas.



Polis a confisca un scooter y un scrambler for di 2 hoben cu no tin rijbewijs



Diabierna merdia na altura di La Salle College un unidad di e brigada motorisa a nota 2 hoben riba un scooter y e otro riba un scrambler.

Mesora a solicita refuerzo pa

Accidente entre tres auto riba Green Corridor

Diasabra anochi a drenta informe di un accidente riba Green Corridor banda di Hyatt Place. Mesora a dirigi un patruya pa e sitio.

Na yegada di e patruya a bin comprende cu un auto blanco lo a pasa duro perde control dal den dos auto. Na yegada di e ambulans a controla e personanan pero no tabata necesario pa bay hospital. Polis a tuma datos di e accidente aki.



Dama a yama polis pasobra un persona a bin su cas agredi'e

Diasabra atardi a drenta informe di cu un persona a presenta y a agredi un dama na su cas na Rudolf Arendsstraat, mesora a dirigi un patruya na e sitio.

Na yegada di e patruya a bin comprende cu aki ta trata di un caso di maltrato unda un dama a ser agredi. Polis a bisa e dama cu e por pasa na oficina di recherche pa entrega keho contra e agresor.



Polis a detene chauffeur bebi cu no a reacciono na tempo y a bay dal tras di pick-up

Diasabra anochi a drenta informe di un accidente na e Brug di Madushi, mesora a dirigi un patruya na e sitio.

Na yegada di e patruya a bin comprende cu aki ta trata di un accidente unda cu dicipiente un auto cu ta bini di nort a subi caminda y mesora a para pa bira bay zuid net dilanti un pick-up biniendo di pariba y esaki a logra para net prome pero e chauffeur di un otro pick-up su tras si no a logra para y a bay dal tras di e pick-up su dilanti. Afor-



tunadamente ningun hende a resulta herida. Polis a detene e chauffeur di e pick-up cu a dal y a bay warda di polis pa test.

Ladronnan a purba horta un auto pero habitantenan a sorprende nan



Diadomingo madruga a drenta informe di cu ladronnan ta purbando di horta un auto of for di un auto na un cas na Malmok, mesora a dirigi un patruya na e sitio.

purba di bay cu e auto of horta cosnan for di den dje. Pero esakinan nan no a logra ya cu e habitantenan a sali afo y e ladronnan a core bay for di e sitio. Polis a tira bista rond di e vecindario pero no a logra topa cu e ladronnan aki.

Na yegada di e patruya a bin comprende cu ladronnan lo a

Polis y bomberonan a bay pa 2 auto na candela na Madiki

Diasabra mainta a drenta informe di cu tin 2 auto na candela na Madiki, mesora a dirigi tanto polis como bombero na e sitio.

Na yegada di e patruya a bin

haya un Toyota Yaris y un Nissan Serena Minivan na candela dilanti di un cas. Na yegada di bomberonan mesora a cuminsa combati esaki pero ya practicamente e autonan a keda ful kima.



Chauffeur a golpia otro chauffeur bay cu su yabi y celular

Diadomingo madruga a drenta informe di cu tin un persona herida den un auto banda di e Linear Park, mesora a dirigi un patruya na e sitio.

Na yegada di e patruya a bin encontra cu un auto Honda Fit para den e sorteer vak pa bira drenta Adriaan Lacle Blvd. Den e auto a haya un chauffeur herida cu a bisa di cu un otro chauffeur a baha reclam'e pa e pone sign light mientras di tricion a bini un



otro persona su tras a dal e ynan a agredie lag'e ta sangra pa horea y un banda di wowo hincha, mesora a solicita un

ambulans na e sitio. Na yegada di e ambulans nan a atende e victima.

Polis a detene chauffeur burachi a pega soño tras di stuur

Diadomingo madruga a drenta informe di cu un auto a baha caminda dal cura di cas y auto di habitante den cura, mesora a dirigi un patruya na e sitio.

Na yegada di e patruya a bin comprende cu aki ta trata di un chauffeur burachi cu lo a pega soño subi acera dal un



stapel di klinkers benta abao. Polis a lanta e chauffeur cu hopi dificultad y a detene.

Na yegada di e vehiculo di transporte a hiba e chauffeur warda di polis na Shaba.

Chauffeur cu ocupante a bay laga auto boca abao despues di a dal 2 auto staciona na Madiki



Diadomingo madruga a drenta informe di un accidente unda tin un auto boca abao meymey caminda na Madiki, mesora a dirigi un patruya na e sitio.



Na yegada di e patruya a bin comprende cu ta trata aki di un Kia Sportage preto cu a bay dal un Honda Fit stacion y despues dal un Daihatsu Boon y finalmente a bolter. Un chauffeur masculino y un ocupante femenino a caba di cana bay for di e sitio

y un di nan ta herida esaki despues di a dal 2 auto y a bolter. Nan a cana bay pariba y despues bay nort un di nan tabata sangrado. Ora polis a controla e number esaki no ta cuadra cu e auto y polis a confisca esaki pa mas investigacion.

Varios patruya a bay na The Village pa un pelea



Diadomingo madruga a drenta informe di un pelea formal na "The Village" banda di e highrise hotelnan mesora a dirigi varios patruya na e sitio.

Na yegada di e patruya a bin comprende cu e pelea ya lo a ser para pa e security riba e sitio y e bringadornan lo a bay for di e sitio.

Resultado Sorteo
28 y 29 september 2024



Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
4758	2150	2560	5791
4204	5773	SUPER5	9796
5806	8986	-	0500

DIADOMINGO			
DIARIO	KORSOU	SUPER4	FLAMINGO
6536	4821	2839	2675
0985	7971	SUPER5	8460
7582	3383	21603	5632

MERDIA

ANOCHI

DIADOMINGO MERDIA

GATOCHE	
Sorteo # 4402	
2276	
4110	
0081	
x3	
BIG 4	
Sorteo # 4402	
8890	
x5	
DFF	
Sorteo # 2458	
5814	
ZODIAC	
Sorteo # 4402	
7402	
Aquario	
LUCKY 3	
Sorteo # 1276	
253	
x2	

GATOCHE	
Sorteo # 8359	
3600	
8653	
0601	
X2	
BIG 4	
Sorteo # 7403	
7218	
X3	
DFF	
Sorteo # 2108	
6154	
ZODIAC	
Sorteo # 6162	
0234	
Capricornio	
LUCKY 3	
Sorteo # 1092	
957	
x2	

LOTTO 5	13-14-25-29-33
Sorteo # 2531	Joker 08 Letter F Proximo Jackpot
0lx Jackpot	
1lx Match 4+	
4lx Match 4	
168x Afl. 12,00	
	150.000,-
LOTTO 5	04-08-11-26-28
Sorteo # 6608	Proximo Jackpot
0lx Jackpot	
8x Match 4	
187x Afl. 8,00	
	84.000,-
MEGA	310.000,-
Sorteo #	Mega Ball Proximo Jackpot
0lx Jackpot	
0x match 4	
0x Afl. 500,00	
0x Afl. 50,00	
0x Afl. 15,00	
	Afl. 410.000,-

GATOCHE	
Sorteo # 4403	
9113	
5120	
3004	
X2	
BIG 4	
Sorteo # 4403	
7879	
X2	
DFF	
Sorteo # 2459	
5988	
ZODIAC	
Sorteo # 4403	
7534	
Virgo	
LUCKY 3	
Sorteo # 1277	
964	
KORSOU	



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador
Pues mi'n tin falta di nada
Den cunucu di yerba berde
E ta ponemi sosega"
Salmo 23 vers. 1 y 2

Cu profundo tristeza na nos curason nos ta anuncia cu a bay den Reino di Señor: Nos Tata, welo, bisa welo:



Sr. Jantje Leovigildo Croes
nomber di cariño Janchi
Ex colega di Concorde Hotel Casino
*20-8-1936 - †26-9-2024

Na nomber di su
Yiunan stima:
Lorena y Raymond Montero-Croes
Zuly Croes y Efrain Eman
Cedrick Croes y Jennifer Briesum
Elsey Rincones

Nieto y nietanan stima:
Eugéne Jr. Ecury
Marisol Montero
Mike Montero y Kiziah Toppenberg
Tiahna Croes
Jaeda Croes
Joelly Maduro
Nathan Maduro

Bisanieta y nieto stima:
Ciara y Kian

Mama di su yiunan:
Maria Frida Croes-Lopez
Yvonne Rincones

Rumannan:
†Emiterio (Emy) y Chica Croes y familia
†Andresito (Chito) y †Aida Croes y familia
†Jan Hendrik (Jendi) Croes y Susana "Susy" Montalvo y familia
†Theresita (Sita) Croes y Arturo "Tuyo" Croes y familia
†Medardo (Da) y †Marja Croes y familia
†Ismael (Esy) Croes y familia
†Mario "Maidu" y †Iris Croes y familia

Ta invita demas famianan, primo y primaman, sobrino y sobrinanan, bisiñanan, amigonan, ex coleganan y conocirnan. Pa e acto di entiero, cual ta tuma lugar na Aurora Funeral Home Dialuna 30 di september 2024 for di 2:00 pm pa 4:00 pm. Despues lo sali pa Santana Catolico na Santa Cruz.

Despues di entiero nos no ta ricici bishita di cond

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"No ta nos tur ta muri, pero nos tur lo transforma si, diripiente, den un frega di wowo ora e ultimo trompet zona."
Korintionan 15:51-52

Cu inmenso tristesa den nos curason, pero conforme cu boluntad di Dios, nos ta anuncia fayecimento inespera di:



Pedro Alberto Pardo
*8 augustus 1957 - †24 september
2024

Na nomber di su:
Mayornan: Sra. vda. Carlixta Pardo-de Jesus y
†Pedro Alfonso Pardo

Yiunan: Urich Pardo
Urwayne Pardo y pareja Xmireeny Rasmijn

Mama di su yiunan: Jamila Koeiman
Nietonan: Xzyon Parra, Urjion Pardo, Xenia Ibarra, Uxianny Pardo, Uxionn Pardo

Rumannan: Sara Pardo
Nuris Pardo
Sandra Geerman-Pardo y Ronald Geerman
Olga Pardo y pareja

Rumannan di criansa: Gislène Semerel y familia
Ryan Semerel y familia

Subrino- y subrinanan: Shamir Silvania y Jetnny Silvania-Portella y yiunan
Shaitsy Ignatius-Silvania y Angelo Ignatius y yiun
Nishenou Felix
Rosandy Geerman

Bon bisiñanan y amigo di cas: Kenneth Celaire y
familia y Kenrick Quandus, 'Honey'
Hertz y demas bon amigo cu ta mucho hopi pa
mencionar.

Yiunan subrino- y subrinanan, bon bisiñanan,
amistadnan di Funari, ex colleganan di
Departamento di Rijbewijs y demas familia Pardo,
de Jesus, Koeiman, Geerman, Silvania, Felix,
Vrolijk, Kock, Llanes, Semerel y Robles ta invita
tur familia, amigo y conoci pa asisti na e acto di
condolencia cu lo tuma luga diamars 1 di oktober
di 9am - 11am na Aurora Funeral Home. E
cremacion lo tuma luga den seno familiar.

Nos ta pidi disculpa si den nos tristeza por a lubida
di menciona cualquier familia of conoci.
Despues di entiero no ta ricibi bishita di
condolencia na cas.

Minister Geoffrey Wever ta haci 'Open Call' pa subi produccion di webo comercial na Aruba



Minister Geoffrey Wever ta convoca tur esunnan interesa den produccion comercial di webo di galifa na Aruba pa hundo stimula e industria aki cu 100% pa 2026. Na prome instante, e yamada aki lo yuda Gobierno inventarisa na unda nos comerciantenan mester di apoyo y continua e colaboracion aki hundo cu Departamento di Asuntonan Economico, Comercio y Industria, Santa Rosa y tambe DIP.

E 'open call' aki ta e prome paso concreto den eheucion di e maneho economico cu a keda aproba pa Conseho di Minister dia 16 di Augustus ultimo. Den 2023 un total di 738 mil webo di galifa a wordo produci pa comerciantenan local, cu ta representa 15% di e total consumo di webo na Aruba. Pues tin espacio pa seguir stimula e crecimiento di e industria aki. "E meta ta pa redobla e cifranan di aña pasa y yega na 1.4 miyon di unidad pa aña 2026", minister Geof



frey Wever a splica. Pa e mandatario di asuntonan economico, dialogo y colaboracion continuo ta necesario pa mas actividad economico, y tambe ta conta den e sector di webo di galifa. Adicionalmente, e stimulacion di produccion di webo local ta aporta na baha e importacion di e producto aki. Na su turno, esaki lo resulta den menos dependencia di mercado internacional y mas seguridad di cuminda pa nos comunidad. "Eta keda nos ambicion pa produccion local di webo di galifa yega 100 porciento", minister Geoffrey Wever a expresa.

Tur esunnan cu ta interesa den produccion comercial di webo di galifa na Aruba ta cordialmente invita pa haci uzo di e oportunidad aki y yena e Google Form via e siguiente link: Open call pa produccion di Webo (google.com). E link ta obtenible via Minister Geoffrey Wever su pagina di Facebook of via Santa Rosa.

Ultimo dia pa yena e formulario di Google ta dia 11 di October 2024. Basa riba tur aplicacion ricibi, e proyectonan cu mas potencial lo wordo invita pa un sesion informativo riba 21 di October 2024.

Pa mas informacion riba e "Open Call" por manda un email na info. minezcd@gobierno.aw.

Al menos 148 morto den inundacion y deslisamento di tera na Nepal

(AP)—Rescatadornan na Nepal a recupera decenas di curpa for di bus y otro vehiculanan cu a keda dera bao tera durante deslisamentonan cerca di e capital Kathmandu, mientras e conteo di morto for di inundacionnan a subi pa al menos 148 cu decenas desaparecido, oficialnan a bisa ayera.

E tempo a mehora ayera despues di tres dia di yobidanan di monzon, y esfuerzan di rescate y limpieza ta na caminda. Caminda pa Kathmandu a keda cerca ayera como cu tres high ways pa e ciudad a ser blokea pa deslisamentonan di tera.

Rescatadornan a descubri 14 curpa durante oranan di anochi for di e 14 bus cu tabata bayendo Kathmandu ora e deslisamento a dera nan bao tera. A haya y a saca 23 curpa mas for di vehiculanan ayera na e mesun sitio, aproximadamente 16 kilometer for di Kathmandu, y trahadornan



a busca pa otronan cu por a keda dera.

Un declaracion pa e polis di Nepal a bisa cu 101 hende mas a keda herida den e inundacion y deslisamentonan mientras cu 50 a disparece. Ta anticipa cu e conteo di morto lo subi mientras reportahanan ta bin for di pueblonan den e pais montañoso.

Residentenan den e parti sur di Kathmandu, cual a ser inunda diasabra, tabata limpiando cas mientras e nivel di

awa a cuminsa baha. Al menos 34 hende a muri na Kathmandu, cual a ser afecta mas pa inundacion.

Polis y soldaatnan tabata yudando cu esfuersonan di rescate, mientras cu a usa ekipo pa claria e deslisamiento for di camindanan. E gobierno a anuncia cu e tabata cerando scolnan den e pais pa tres dia.

E temporada di monzon a cuminsa na juni y usualmente ta caba Mey september.



Atakanan aereo di Israel ta mata decenas na Libanon mientras Hezbollah ta confirma morto di e di 7 comandante



(AP)—Atakanan aereo di Israel na Libanon a mata decenas di hende ayera mientras e grupo militante di Hezbollah a sostene un serie di atake mortal riba su structura di comando, incluyendo e assassinato di su lider en general, Hassan Nasrallah.

Hezbollah a confirma cu Nabil Kaouk, e hefe suplente di e Conseho Central di e grupo, a ser asesina diasabra, haciendo Kaouk a di 7 lider mayor di Hezbollah asesina den atakanan Israeli den un tiki mas cu un siman. Esakanan a inclui miembranan cu a scapa morto of detencion pa varios decada.

Hezbollah a confirma prome cu Ali Karaki, un otro comandante mayor, a muri den e atake diabierna cu a mata Nasrallah. Israel a bisa cu al menos 20 otro militante di Hezbollah a ser mata, incluyendo un encarga di e detaye di seguridad di Nasrallah.

Mientras tanto, avionnan di guerra y drone Israeli a conduci atakanan mortal na Libanon ayera. Dos atake cerca di e ciudad sur di Sidon, aproximadamente 45 kilometer sur di Beirut, a mata al menos 32 hende, segun e ministerio di Salud Libanes a bisa. Separadamente, e atakanan Israeli den e provincia norte

di Baalbel Hermel a mata 21 hende y a laga al menos 47 otro herida.

E ejercito Israeli a reporta decenas di atake den Bekaa y den e parti sur, banda di e atakanan riba Beirut. E atakanan tabata dirigi riba edificionan unda ciudadanona tabata bibando y unda a anticipa cu e conteo di morto lo subi.

Den un video di e atake na Sidon, verifica pa AP, un edificio a yanga prome cu cay abao. Un stacion di television a haci yamado riba televiendenan pa resa pa un famia pega bao di e derumbe, publicando nan potret como cu rescatadornan no por a alcansa nan.

E ministerio di Salud Libanes a reporta al menos 14 medico asesina durante dos dia den e parti sur.

pa check riba kico a resta di nan cas y otro pa duna respet, resa of simplemente mira e destruccion.

Presidente Joe Biden a bisa ayera cu e lo papia cu prome minister Israeli Benjamin Netanyahu, y ta kere cu mester preveni un guera completo den e Oriente Medio. "Mester preveni esaki," Biden a conta reporteronan na Dover Air Force Base na Delaware mientras el a subi Air Force One bayendo Washington, aunke e no a bisa ki ora e lo yama e lider Israeli.

Mientras tanto, destruccion for di e atake diabierna cu a mata Nasrallah ainda tabata na candela. Reporteronan di AP a mira huma for di e blokinan kibra mientras hende a core bay na e sitio, algun

Den respuesta di e escalacion dramatico den atakanan Israeli riba Libanon, Hezbollah a aumenta su atakanan durante e ultimo siman, for di varios decenas pa varios centenares diariamente, segun e ejercito Israeli a bisa. E atakanan a herida varios hende y a causa daño, pero mayoria di e raket- y dronenan a ser intercepta pa sistemanan di defense aereo Israeli of nan a cay den areanan habri.

E ejercito ta bisa cu su atakanan a degrada e capacidad di Hezbollah y e cantidad di lansamento lo ta hopi mas halto si no a dal Hezbollah.



Nacionnan Europeo, Arabe y Musulman ta lansa iniciativa nobo pa un estado Palestino independiente



(AP)—Nacionnan Europeo, Arabe y Islamico a lansa un iniciativa pa fortalece sosten pa un estado Palestino y su institucionnan, y prepara pa un futuro despues di e guerra na Gaza y conflicto esclatando na Libanon, segun ministerio di Asunto Exterior Noruego a bisa diabiera.

Espen Barth Eide a conta AP cu “tin un consenso creciente den e comunidad intencional for di paisnan Occidental, for di paisnan Arabe, for di e Sur Global, cu nos mester establece un autoridad Palestino, un gobierno Palestino, un estado Palestino—y e estado Palestino mester ta reconoci.”

Eide a bisa cu mester adresa hopi asunto, incluyendo e interesnan di seguridad di Israel y Palestinonan, recono-

cimento y normalizacion di relacion despues di decadas di conflicto y e demobilizacion di Hamas como un grupo militar. “Esakanan ta e piesanan di un puzzel mas grandi,” segun e diplomaat Noruego a bisa. “Y bo no por djis bin cu un di e piesanan aki so, pasobrera e ta traha solamente si turta poni den luga.”

Aceptacion di Netanyahu no ta probable

Pero hasta si e puzzel ta completo, no ta probable cu esaki lo ser accepta pa prome minister Israeli Benjamin Netanyahu. Asina mes, Eide ta kere cu despues di decadas di negociacionnan fracaso of para, “nos mester tuma un acercamiento nobo” pa logra un estado Palestino independiente.

Pa acelera traba riba e asuntan aki, Eide a bisa cu caso 90 pais a asisti na e reunion diahuebs hundo cu e lidernan

global di e Asamblea General di ONU. E y e minister di Asunto Exterior di Saudi Arabia a co-presidencia e sesion pa lansa “E Aliansa Global pa e Implementacion di un Estado Palestino y un Solucion di Dos-Estado.”

“Nos mester mira con nos por sali di e impasse aki y purba usa e crisis aki tambe como un oportunidad pa sigui dilanti,” Eide a conta e Conseho di Seguridad di ONU diabiera ultimo.

Awo Noruega ta e garante di e Acuerdonan di Oslo di 1993, considera como un logro den e conflicto largo entre Arabe y Huduan, cual a crea un Autoridad Palestino y a establece areanan auto-dominante den e Autoridad Palestino. Eide a bisa cu mas di 30 aña despues, e “ocupacion” di Israel ta continuando, y no tin ningun negociacion cu ta yegando na un acuerdo y un estado Palestino independiente—cual a resulta den e decision di Noruega na mei pa reconoci un estado Palestino.

Awo, 149 di e 193 miembro nacionnan di ONU a reconoce un estado Palestino. Eide e urgi tur pais “pa contribui na un reconocimiento universal” y fortalece institucionnan Palestino pa asinan por ta riba expectativaan di hende den e territorio di West Bank y ta prepara pa regresa Gaza: “Nos kier un Palestina, no diferente Palestinan,” el a bisa.

Eide a menciona e aliansa

atrobe ayera durante su adresa e reunion anual di lideran global durante e Asamblea General di ONU, subrayando cu “mientras mester di alto-al-fuego den Gaza y Libanon urgentemente, no confundi cabando e hostilidad cu solucionnan duradero.”

Atrobe el a haci un yamada na e 44 miembro cu no a reconoce e estado di Palestina y a permiti'e pa ta un miembro di e Organizacion di Nacionnan Uni. Tambe el a haci yamada pa “tur hende cu por, yuda construi e institucionnan di Palestina, y riba actornan regional pa yuda establece un asentamiento politica den un framework regional mas amplio.”

Minister Saudi Prins Faisal bin Farhan Al-Saud a conta e Conseho di Seguridad diaabiera cu su pais, e comite ministerial Islamico-Arabe, Noruega y e Union Europeo a lansa e aliansa “pasobra nos



ta sinti responsable pa actua pa asina cambia e realidad di e conflicto sin retraso.”

El a conta e asamblea ayera cu e coalicion tin e meta “pa promove e solucion di dos-estado,” haciendo yamado riba tur pais pa uni e grupo y reconoce e Palestinonan como un estado independiente.

Hefe di politica di Asunto Exterior di UE, Josep Borrell, a urgi tur pais pa tuma medidanan practico “pa trece e Palestino liber banda di un Israel sigura.”

Prome reunionnan lo tuma luga na Saudi Arabia y Belgica

Borrell a bisa riba X cu e prome reunionnan di e alian-

sa lo tuma luga na Riyadh, Saudi Rabia, y Bruselas. Borrell a puntra retoricamente na cuaquier hende cu ta opone un solucion di dos-estado: Kico ta e solucion, y kico por implementa? El a enfatiza cu traba riba e iniciativa aki lo continua inmediatamente.

Eide a bisa cu e esfuerzo nobo aki ta construi riba e Iniciativa di Paz Arabe di 2002, “pero modifica pa e realidad di awendia.”

E iniciativa di 2002, sosteni pa e Liga Arabe y e 57 miembro di e Organizacion di Cooperacion Islamic, a ofrece Israel relacionnan normalisa den intercambio pa un retira completo for di e teritorionan captura na 1967.

El a bisa cu e esfuerzonan a cuminsa basta tempo pasa pa construi institucionnan di un estado Palestino. “Ta dificil,” Eide a bisa. “Nan ta druk den hopi manera. Nos ta mirando un cantidad creciente di



Dos tiroteo riba e mesun caya na Sur Africa ta laga 17 morto

(AP) — Diesshete persona, entre nan 15 hende muhe, a muri den dos tiroteo masal na dos cas den e mesun caya den un ciudad rural di Sur Africa, segun polis a bisa diasabra ultimo.

Autoridadnan tabata buscando e sospechosonan, manera vocero di polis nacional, Brigadier Athlenda Mathe a splica den un declaracion. Di e victimanan, 15 tabata hende muhe y dos hende homber, el a agrega. Un persona a keda interna den un hospital den condicion critico.

E persona aki tabata un di cuater hende muhe, un homber y un baby di dos luna, cu a sobrevivi un di e atakenan. Te cu awor, autoridadnan no a duna detaye di e edad of sexo di e persona den estado critico, ni e condicion di salud di e otro sobrevivientenan.

E tiroteonan a sosode dia-bierna ultimo den oranan di anochi den e localidad di



Lusikisiki, den e provincia di Cabo Oriental den zuidoost di e pais.

Tres muhe y un homber a muri den e prome tiramento na un cas, caminda no tabatin sobreviviente, segun polis. Diesdos hende muhe y un homber a ser asesina den

un otro cas un rato despues. E sobrevivientenan tabata presente na e di dos tiroteo. E sucesonan a tuma luga den oranan di atardi di diabierna of diasabra trempen, segun polis.

Un video di e luga, publica pa polis, ta muestra varios cas

rural den un caminda di tera na e periferia di e ciudad. Habitantenan a para canto di caminda mientras cu investigacionan forense a marca e sitio di e crimen cu tip gel y preto y a cuminsa cu nan investigacionnan.

Comisario General di Polis

Nacional Fannie Masemola a bisa cu el a ordena despliegue di un ekipo specialisa di detectivenan di Pretoria, e capital administrativo, pa yuda den e investigacion.

"A inicia un persecucion pa detene esnan responsabel pa e asesinatonan atros aki," Mathe, e vocero di polis a bisa.

Medionan local a informa cu e personanan tabata na un encuentro familiar na momento di e tiroteo, pero polis no a indica e posibel motibo ni cuanto agresor tabatin y ki tipo di arma nan a usa. Sin embargo, autoridadnan ta considera cu ambos evento ta relaciona.

Criminalidad ta un problema serio na Sur Africa, caminda casi 6,200 hende a ser asesina entre april y juni, cu aumento den casonan den cuater di e nuebe provincia di e pais a pesar di un bahada general leve di 0.5% compara cu e mesun periodo na 2023.

Kamala Harris ta bishita frontera sur pa prome biah como un candidato Democrat y ta papia cu agentenan di Patruya di Frontera

(CNN) — Vice-presidente Kamala Harris a haci un movimiento agresivo pa reduci e liderazgo di Donald Trump den e encuestanan di inmigracion, biahando pa e frontera sur pa prome biah como un candidato Democrat pa presidencia di Merca dia-bierna ultimo pa pone su plannan pa atende loke el a describi como un problema cu a debilita pa decadanan.

Harris, durante su biale pa e estado clave di Arizona, a critica Trump pa su rol na cuminsamento di e aña aki den sink un proyecto di ley di seguridad di frontera cu tabata e producto di lunanan di negociacionnan bipartidista.

Tabata un di e discursanon tocante politica mas specifico di Harris for di momento cu el a bira candidato Democrat, purbando di usa su pasado como procurador general di California pa mostra cu e tin loke ta necesario pa ataca Trump riba asunto principal di campaña.

"Tabata e proyecto di ley di seguridad di frontera di mas



fuerte cu nos a mira den decadanan. E tabata aproba pa e sindicato di Patruya di Frontera y e mester ta na vigor awe, produciendo resultadonan den tempo real, aworaki, pa nos pais," el a bisa den un mitin na Douglas, un ciudad na frontera di Merca y Mexico.

Mientras tanto, e ex-presidente a responde na e biale di Harris pa frontera door

di aumenta su discurso riba inmigracion. Resaltando crimennan violento cometí pa inmigrantenan indocumenta, Trump a bisa un multitud na Walker, Michigan, cu Harris "a entrega e horornan aki."

Trump tambe a bolbe acusa Democratanan falsamente di laga hende drenta e pais ilegalmente pa motibo cu "nan kier e votonan." Hende sin ciudadania Mericano no por

vota den eleccion Mericano, un realidad ignora pa Trump, ken pa añanan a gaña tocante fraude generalisa den e eleccion di 2020.

E ofensiva democrat riba inmigracion y seguridad di frontera ta un intento pa reduci un di e ventahanan politico mas claro di Trump. Un encuesta di CNN conduci pa SSRS y publica e siman aki a haya cu 49% di votadonan

probabel ta confia e ex-presidente pa mancha inmigracion, mientras cu 35% ta confia Harris pa haci esaki.

Diabierna ultimo, Harris tambe a trece proposicionnan pa fortalece restriccionnan cu pa gran parti a stroba migranten di busca asilo na Merca. El a bisa cu e lo busca e caminda pa ciudadanonan inmigrante indocumenta cu a ser treci na Merca ora nan tabata mucha.

"Nan ta Mericano den tur sentido. Pero ainda nan no tin un caminda gana pa ciudadnan y e problema aki a keda sin resolve pa decadanan caba," Harris a bisa.

E bataya riba inmigracion y seguridad di frontera ta bini na un momento raro den un careda presidencial den cual e atencion di e candidatonan di tur dos partido a desvia.

Cu menos cu seis siman te cu Dia di Eleccion, e mapa presidencial di 2024 ta keda desconecta, cu shete estado di tendencia electoral insigurta bini den enfoke.